



AJIRA NCHINI MAREKANI

Ajira nchini Marekani ni muhimu sana. Kutafuta, kupata na kudumisha kazi ni muhimu kwa ustawi na maisha ya baadaye ya familia yako. Ni njia rahisi zaidi ya kuweza kujitegemea na ni muhimu ili ufanikiwe. Wakala yako ya Kutafuta Makazi itakusaidia kukuunganisha na huduma za ajira, lakini hatimaye utakuwa na jukumu kubwa la kutafuta na kudumisha kazi. Unapaswa kujiandalia kutafuta kazi haraka punde unapofika Marekani.

KUTAFUTA AJIRA

Watu wote wazima, wanaume kwa wanawake, wa umri wa kati ya miaka 18 - 64 na wanaoweza kufanya kazi, wanapaswa kuupa kipaumbele utafutaji ajira. Ajira inakuwezesha kukimu mahitaji yako mwenyewe na ya familia yako. Usaidizi wa serikali hautoshi kwa msingi wa wakati na kiasi, kwa hivyo ni muhimu upate ajira haraka iwezekanavyo baada ya kufika Marekani.

Serikali au Wakala wa Kutafuta Makazi hautoi hakikisho lolote la kupata translationkazi. Inaweza kuchukua wiki au miezi kadhaa kupata kazi na huenda uhudurie mahojiano kadhaa ya kazi. Unapaswa kushirikiana na mtaalamu wako wa ajira kutafuta ajira na kujifunza vidokezo vya mahojiano vinavyotumika mara nyingi.

Utatarajiwa kukubali nafasi ya kwanza ya ajira ambayo unapewa, hata ikiwa haina malipo mengi au hailingani na tasnia lako, ili upate tajriba ya kazi na kuanza kumudu mahitaji ya familia yako. Unaweza kupoteza msaada wa serikali usipokubali nafasi ya ajira unayopewa. Mara nyingi kuna watu wengi wanaoomba ajira hiyo, kwa hiyo ni muhimu uwe tayari kukubali ajira ya kiwango cha kwanza cha tansia mpya. Ili upate historia bora ya kazi, unapaswa kudumu katika kazi moja kwa angalau miezi 6.

AJIRA



MAADILI YA KAZI NCHINI MAREKANI

Marekani ni maarufu kama nchi ya fursa kwa watu wanaofanya kazi kwa bidii. Ili upate kazi bora zaidi na yenye malipo ya juu zaidi, utahitaji kuzungumza, kusoma na kuandika kwa Kiingereza, na huenda utahitaji kujifunza stadi mpya. Ikiwa ulifanya kazi katika taaluma maalum katika nchi yako, huenda utahitaji kuhudhuria madarasa na kupata vyeti kabla ya kufanya kazi katika tasnia hiyo nchini Marekani.

Wanawake kwa wanaume wote hufanya kazi nchini Marekani. Wanawake wanajumuisha idadi nusu ya wafanyakazi, hufanya kazi sawa na wanaume katika viwango vyote, na mara kwa mara huwasimamia wafanyakazi wa kiume.

Nchini Marekani, watoto wa umri wa miaka 14 na zaidi wanaweza kufanya kazi za nusu siku, lakini huenda kuna kikomo cha idadi ya saa ambazo wanaweza kufanya kazi na aina za kazi ambazo wanaweza kufanya. Vijana wengi nchini Marekani hufanya kazi nusu siku baada ya shule, mwishoni mwa wiki na wakati wa likizo. Marekani ina sheria za kulinda wafanyakazi vijana.



HAKI NA MAJUKUMU YA AJIRA

Nchini Marekani, wafanyakazi wana haki na majukumu katika mahali pao pa kazi. Una haki ya kulipwa, kwa sababu sheria za kazi na ajira huwalinda wafanyakazi dhidi ya hali zisizo salama za kazi. Pia ni muhimu kulipa ushuru nchini Marekani.

Mwajiri hawezi kukubagua kwa msingi wa hali yako ya kuwa mkimbizi au kukukataza kazi au kukunyima nafasi ya kupandishwa cheo kwa sababu ya umri wako, ulemavu, hali ya ndoa, kabila au asili ya kitaifa, rangi, dini, jinsia, ngono au mwelekeo wa ngono. Hata hivyo, baadhi ya kazi, hasa serikalini, zinaruhusiwa tu kwa wananchi wa Marekani.

Wafanyakazi wana haki ya kufanya kazi katika mazingira ambayo pia hayana ubaguzi na

Cultural Orientation Resource Exchange

8719 Colesville Road, 3rd Floor • Silver Spring, MD 20910

For more information, visit the CORE Resettlement Navigator website at corenav.org.



The contents of this fact sheet were developed under an agreement financed by the Bureau of Population, Refugees, and Migration, United States Department of State, but do not necessarily represent the policy of that agency and should not assume endorsement by the Federal Government. **This material is in the public domain and may be reproduced.**


unyanyasaji. Unyanyasaji wa kijinsia ni tabia yoyote ya asili ya ngono ambayo inamfanya mtu kuhisi kuwa amedhalilishwa au kukoseshwa utulivu na kwamba hakubaliwi kazini.



MASWALI YANAYOLIZWA MARA KWA MARA

JE, NITAPOKEA USAIDIZI WA KUPATA KAZI?

Wakala yako ya Kutafuta Makazi itakusaidia kukuunganisha na huduma za ajira popote unapoishi, lakini utakuwa na jukumu kubwa la kutafuta na kudumisha kazi. Kupata ajira nchini Marekani ni muhimu, na huenda kazi yako ya kwanza haitakuwa katika taaluma au tasnia sawa kazi uliyofanya nchini mwako. Huenda iwe kazi ya kiwango cha kuanza, isiyo ya kitaaluma na hata huenda iwe ya muda mfupi au inayofanywa nusu siku. Kwa sababu gharama ya maisha ni ya juu nchini Marekani, ni jambo la kawaida, na mara nyingi muhimu, kwa wanaume na wanawake kufanya kazi nje ya nyumbani.



NITATUMIA MBINU GANI KUSAFIRI KWENDA KAZINI?

Usafiri wa umma unapatikana katika miji mingi ya Marekani. Magari hayapeanwi kama sehemu ya mchakato wa kupata makao mapya. Kwa hivyo, huenda utategemea usafiri wa umma kusafiri kwenda mahali pako pa kwanza pa kazi.